



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI YA 12

TSHIVENDA LUAMBO LWA HAYANI (HL)

BAMMBIRI LA VHURARU (P3)

LUHUHI/THAFAMUHWE 2015

MEMORANDAMU

MARAGA: 100

Memorandamu uyu u na masiatari a 9.

PFESESANI:

- Tshifhinga tshoṭhe vha tshi tola maanea a vhusiki, vha tea u shumisa rubriki iyi (BAMMBIRI JA VHURARU 3).
- Maraga dza 0–50 dzo khethekanywa dza bva zwipida zwanu (5) zwiḥulwane zwa thalusamaimo.
- Kha khriteria dzi angaredzaho Zwi re Ngomu, Luambo na Tshitaila, tshiḥwe na tshiḥwe tsha izwo zwipida zwa thalusamaimo tsho khethekanywa tsha bva zwipida zwiḥili: tshipida tsha nṭha na tsha fhasi, tshiḥwe na tshiḥwe tshazwo tsho faredza maraganyangaredzi dzo tshi teaho u ya nga u tevhekana hazwo.
- Tshivhumbeo tshone a tshi kwamei nga heyi khethekanyo ya maimo a nṭha na a fhasi.

KHETHEKANYO YA A: RUBRIKI YA U TOLA/MAKA MAANEA A LUAMBO LWA HAYANI [MARAGA 50]

Khriteria		Zwa nṭhesa	Tshikili tshone	Vhukoni ha vhukati/vhu fushaho/ho linganelaho	Vhukoni ha fhasi	U sa kona
ZWI RE NGOMU NA VHUPULANI (Zwo riwaliwaho na mihumbulo) Nzudzanyo ya mihumbulo na vhupulani/ U dzhiela nzhele ndivho, vha tṅanganedzaho mafhungo na nyimele. MARAGA 30	Maimo a nṭha	28–30	22–24	16–18	10–12	4–6
		-Mihumbulo i gobolaho/tokonyaho i sa vhambedzwi/lavhelelwiho -Mihumbulo ya vhuṭali, i tokonyaho nahone yo vhibvaho -Zwo dzudzanywa nahone zwa dovha zwa lonzhedzana tshidele lwa tshoṭhe, hu tshi katelwa marangaphanda, mutumbu na magumo/mupendelo.	-Phindulo yo lundwa tshidele vhukuma -Zwi yelana tshoṭhe na ṭhoho nahone zwa takadza -Hu na vhuṭanzi ha mihumbulo yo vhibvaho -Zwo dzudzanywa nahone zwa dovha zwa lonzhedzana tshidele lwa tshoṭhe, hu tshi katelwa marangaphanda, mutumbu na magumo/ mupendelo.	-Phindulo i fushaho -Mihumbulo yo lonzhedzana lwo linganelaho nahone zwi a tendisea -Zwo dzudzanywa nahone zwa dovha zwa lonzhedzana lwo linganelaho/lu fushaho, hu tshi katelwa marangaphanda, mutumbu na magumo/mupendelo.	-Phindulo i shaedzaho ndunzhendunzhe -Mihumbulo yo vhilinganaho, nahone i si na vhusiki ha muṅe -Vhuṭanzi vhu si gathi ha nzudzanyo na u lonzhedzana zwo teaho.	-Phindulo yo polikaho tshoṭhe -Mihumbulo yo tṅangananaho nahone i si na sia -Ndi phambananadzo, zwo sokou dovhololwa -A zwo ngo dzudzanywa nahone a zwi na ndunzhendunzhe.
	Maimo a fhasi	25–27	19–21	13–15	7–9	0–3
		-Ndi zwa nṭhesa, fhedzi zwo ri shaedzinyana musutshelo wa maanea o lundwaho tshidele lwa tshoṭhetshoṭhe -Mihumbulo yo vhibva ya lundwa lwa vhuṭali -Zwo dzudzanywa nahone zwa dovha zwa lonzhedzana tshidele lwa tshoṭhe, hu tshi katelwa marangaphanda, mutumbu na magumo/mupendelo.	-Zwo lundwa tshidele -Mihumbulo i yelanaho, i takadzaho -Zwo dzudzanywa nahone zwa dovha zwa lonzhedzana zwavhuṭi, hu tshi katelwa marangaphanda, mutumbu na magumo/ mupendelo.	-Phindulo i a fusha fhedzi hu na vhuṭudzetudze huḥwe vhu khakhisaho muṭoṭo -Mihumbulo yo dzudzanywa lwa ndinganelo nahone i a tendisea -Hu na huḥwe u fusha ha nzudzanyo na ndunzhendunzhe, hu tshi katelwa marangaphanda, mutumbu na magumo/ mupendelo.	-Phindulo yo anzaho u sa yelana ha mafhungo -Mihumbulo i vho sumbedza u liana na u daḍisa -U shaedza vhuṭanzi ha nzudzanyo na ndunzhendunzhe zwo teaho.	-A hu na ndingedzo ya u fhindula ṭhoho/mbudziso -U polika tshoṭhe na u sa tsha tea lwa tshoṭhe -A zwi na sia nahone zwo vhilingana.

KHETHEKANYO YA A: RUBRIKI YA U TOLA/MAKA MAANEA A LUAMBO LWA HAYANI [MARAGA 50] (i ya phanda)

Khriteria		Zwa nthesa	Tshikili tshone	Vhukoni ha vhukati/vhu fushaho/ho linganelaho	Vhukoni ha fhasi	U sa kona
LUAMBO, TSHITAILA NA U DZUDZANYA Thouni, redzhistara na divhaipfi zwo teaho ndivho/zwiitei na nyimele Munanguludzo wa maipfi Kushumisele kwa luambo na milayo, zwiga zwa u vhala, girama, mupeleto MARAGA 15	Maimo a nthā	14–15	11–12	8–9	5–6	0–3
		-Thouni, redzhistara, tshitaila na divhaipfi zwo tea tshotheshothe ndivho, vha tangedzaho mafhungo na nyimele -Luambo ndi lwa vhudifhulufheli ha nthesa, lu nyanyulaho tshothe -Lu a gobola nahone lwo pfuma u dzangelwa ha thouni -A hu na vhukhaki ha girama na mupeleto -Lwo lundwa nga tshikili tsha mathakhethakheni.	-Thouni, redzhistara, tshitaila divhaipfi zwo tea vhukuma ndivho, vha tangedzaho mafhungo na nyimele -Luambo lu a tokonya nahone thouni yo shumiswaho ndi i nyanyulaho -Hunzhi a hu na vhukhaki ha girama na mupeleto -Lwo lundwa tshidele vhukuma.	-Thouni, redzhistara, tshitaila divhaipfi zwo tea ndivho, vha tangedzaho mafhungo na nyimele -U shumiswa ho teaho ha luambo u bvedza thalutshedzo -Thouni yo tea -U pfumiswa ha luambo ho shumiswa u tama/khahisa zwi re ngomu.	-Thouni, redzhistara, tshitaila divhaipfi zwo tea zwiutuku ndivho, vha tangedzaho mafhungo na nyimele -Ho shumiswa luambo lwa mutheo/fhasi -Thouni na kushumisele kwone kwa maipfi a zwo ngo tea -Divhaipfi ndi yo shaedzaho vhukuma.	-Luambo a lu pfali -Thouni, redzhistara, tshitaila divhaipfi a zwo ngo tea ndivho, vha tangedzaho mafhungo na nyimele -U hotefhala ha divhaipfi zwo anzesa lwe u pfala ha mafhungo zwa si tsha konadzea na khathihi/ zwa vho konda vhukuma.
	Maimo a fhasi	13	10	7	4	
	-Luambo ndi lwa nthā vhukuma -Lu a gobola nahone lwo pfuma u dzangelwa ha thouni -A hu na vhukhaki ha girama na mupeleto -Lwo lundwa nga tshikili tsha mathakheni.	-Luambo lu a kunga na u nyanyula -Thouni ndi yo teaho, i nyanyulaho -Vhukhaki vhuutuku ha girama na mupeleto -Zwo lundwa tshidele vhukuma.	-U shumiswa ha luambo ho linganelaho, fhedzi hu tshi di vha na vhuutuzetudze -Huniwe u shumiswa ha luambo ho teaho nga u angaredza, fhedzi u dzangelwa ha luambo ndi ha fhasi.	-Luambo lwo shumiswa lwa u sa kona -A hu na kana hu tou vha na zwiutuku zwi sumbedzaho muvanganyo wa mafhungo/mitaladzi -Divhaipfi yo hotefhala lwa tshothe.		

KHETHEKANYO YA A: RUBRIKI YA U TOLA/MAKA MAANEA A LUAMBO LWA HAYANI [MARAGA 50] (i ya phanda)

Khriteria	Zwa nthesa	Tshikili tshone	Vhukoni ha vhukati/vhu fushaho/ho linganelaho	Vhukoni ha fhasi	U sa kona
TSHIVHUMBEO	5	4	3	2	0-1
Zwitalusi zwa tshibveledzwa Kubveledzelwe kwa phara na tshivhumbeo tsha mafhungo/ mitaladzi	-Kubveledzele kwa thoho kwa nthesa -Vhudodombedzi ha mathakhetshakheni -Mafhungo/Mitaladzi, phara zwo fhatwa na u lundwa lwa nthesa tshohtetshothe.	-Kubveledzele kwa thoho kwo lunzhedzanaho -Vhudodombedzi ha thoho hu pfa dzaho -Mafhungo/Mitaladzi, phara zwo vangwa lu pfa dzaho.	-Kubveledzele kwa thoho na vhudodombedzi zwo tea -Mafhungo/Mitaladzi, phara zwo fhatwa lu fushaho -Maanea o di faredza zwi pfa dzaho/tendiseaho.	-Dziinwe mbuno ndi dzi pfa dzaho -Mafhungo/Mitaladzi na phara zwi di vha na vhukhakhi -Fhedzi maanea a kha di pfala naho hu na vhukhakhi.	-Hu na u shaedza ha mbuno dzo teaho -Mafhungo/Mitaladzi na phara zwo dala vhukhakhi -Maanea ha na mudzio/ ha pfa dzi.
MARAGA 5					
MARAGANYANGAREDZI	43-50	33-40	23-30	13-20	0-10

KHETHEKANYO YA B: RUBRIKI YA U TOLA ZWIBVELEDZWA ZWILAPFU ZWA VHUDAVHIDZANI [MARAGA 25]

Khritheria	Zwa nthesa	Tshikili tshone	Vhukoni ha vhukati/ho linganelaho/vhu fushaho	Vhukoni ha fhasi	U sa kona
ZWI RE NGOMU, VHUPULANI NA TSHIVHUMBEO Zwo riwaliwaho na mihumbulo Nzudzanyo ya mihumbulo na vhupulani U dzhiela nzhele ndivho, vha tangedzaho mafhungo na nyimele Phindulo na mihumbulo Nzudzanyo ya mihumbulo na vhupulani U dzhiela nzhele ndivho, vha tangedzaho mafhungo na tshivhumbeo/milayo na nyimele.	13–15 -Phindulo ndi ya mathakhetakheni, i sa vhambedzwi -Mihumbulo ya vhuṭali, yo vhibvaho -Ndivho yo tandavhuwaho tshothe ya zwiṭalusi zwa lushaka lwa tshibveledzwa -Kuiwalele kwo tou fombe kha sia lone -Zwi re ngomu na mihumbulo zwo lunzhedzana -Zwo tandavhudzwa lwa tshothe, zwidodombedzwa -Tshivhumbeo ndi tshonetshone tsho teaho tshibveledzwa.	10–12 -Phindulo ndi yavhudi vhukuma, i bvukululaho ndivho yo dziaho ya zwiṭalusi zwa lushaka lwa tshibveledzwa -O fara vhuṭala/sia lone -A hu na u polika -Zwi re ngomu na mihumbulo zwo lunzhedzana -Zwo tandavhudzwa lwa tshothe, zwidodombedzwa -Tshivhumbeo ndi tsho teaho naho hu na vhukhakhi vhuṭuku.	7–9 -Phindulo ndi i fushaho/linganelaho vhukuma, i bvukululaho ndivho yo dziaho ya zwiṭalusi zwa lushaka lwa tshibveledzwa -Ho ngo tou fara vhuṭala hone tshothe lini – hu na u polika huiwe hu vhonealaho -Zwi re ngomu na mihumbulo zwo di lunzhedzana -Zwiṭalusi zwidodombedzwa zwi tikedza thoho -Nga u angaredza, tshivhumbeo ndi tshone, fhedzi hu na u polika huṭuku.	4–6 -Phindulo ndi ya mutheo/fhasi, i bvukululaho ndivhonyana ya zwiṭalusi zwa lushaka lwa tshibveledzwa -Hu na u polika huiwe hu vhonealaho naho o fara vhuṭala -Zwi re ngomu na mihumbulo a zwo ngo tou farana tshothe lini -Zwidodombedzwa zwiṭuku zwi tikedza thoho -Hu na u shaedza hu vhonealaho ha kushumisele kwa milayo na tshivhumbeo -Thahelero/U shaedza ndi hu soliseaho.	0–3 -Phindulo i sumbedza u shaya ndivho ya zwiṭalusi zwa lushaka lwa tshibveledzwa -Thalutshedzo yo dzumbama, u polika ndi hu hulwane -A hu na u farana ha zwi re ngomu na mihumbulo -Zwidodombedzwa zwiṭuku zwi tikedza thoho -A ho ngo tevhedzwa milayo yone ya tshivhumbeo tsha tshibveledzwa.
	MARAGA 15	9–10 -Thouni, redzhistara, tshitaila na divhaipfi, ndi zwi teaho lwa mathakhetakheni ndivho, vha tangedzaho mafhungo na nyimele -Girama ndi yoneyone nahone yo fhatwa tshidele -A hu na vhukhakhi.	7–8 -Thouni, redzhistara, tshitaila na divhaipfi, ndi zwi teaho tshothe ndivho, vha tangedzaho mafhungo na nyimele -Nga u angaredza, girama ndi yone nahone yo fhatwa zwavhudi -Divhaipfi ndi yavhudi vhukuma -Hunzhi a hu na vhukhakhi.	5–6 -Thouni, redzhistara, tshitaila na divhaipfi, ndi zwi teaho tshothe ndivho, vha tangedzaho mafhungo na nyimele -Hu na huiwe vhukhakhi ha girama -Divhaipfi i a fusha/linganela -Fhedzi vhukhakhi vhu re hone a vhu thithisi thalutshedzo.	3–4 -Thouni, redzhistara, tshitaila na divhaipfi, ndi zwi teaho zwiṭuku ndivho, vha tangedzaho mafhungo na nyimele -Girama yo shaedza, i na vhukhakhi ho vhalaho -Divhaipfi ndi yo shaedzaho vhukuma -Thalutshedzo yo thithisea.
MARAGA 10	22–25	17–20	12–15	7–10	0–5
MARAGANYANGAREDZI	22–25	17–20	12–15	7–10	0–5

ADENDAMU**KHETHEKANYO YA A: MAANEA****MBUDZISO YA 1****MAANEA A NGANETSHELO**

- Aya ndi maanea ane muñwali a anetshela tshitori kana zwiitei zwo fhiraho kana fikishini.
- Kha maanea haya muñwali a nga shumisa thevhekano kana puloto ya tshitori tshi tendiseaho, nahone kha thero (mudzedze) nthihi.
- Muñwali u tea u shumisa pharagirafu ya marangaphanda i kungaho.
- Mafhungo a hone a ñwalwa nga tshifhinga tsho fhelaho.
- Magumo a nga vha a fushaho kana a kanganyisaho a dovha a ñisa ñdado, fhedzi a songo vhuya a humbulelea.
- Muñwali a nga shumisa maambaambiwa/maambaita arali a tshi toda uri vhatu vha tavhanye u pfesesa kana u mandafhadza muanewa, kana a shumisa maambaambelwa arali a tshi toda uri muvhali a vhe kule na muambi.
- Muñwali a nga shumisa zwipida zwa thaluso ho teaho, fhedzi mihumbulo yawe i tea u farana kana u kwakwana, nahone maipfi othe a si na ndivho a a khwathelwa.

MAANEA A MBULETSHEDZO

- Muñwali a nga buletshedza tshumoitwa na mateletele nga vhudalo.
- Maanea aya a toda luambo lwo kunaho lu sa kondi.
- Muñwali u tea u nanga maipfi a gobolaho nga vhuronwane u itela u swikelela zwine zwa khou todea.
- Muñwali u talusa muthu kana tshinwe tshithu u itela uri muvhali a vhe na tshenzhemo ya thoho muhumbuloni.
- Muñwali u tea u vhumba zwifanyiso nga maipfi.
- Muñwali u tea u talusa a tshi khou fhata zwifanyiso zwa u vhona, mubvumo, u pfa, u thetshesela na u kwama.
- Muñwali u fanela u kodela mafhungo nga u shumisa figara dza muambo, mataluli, madadzisi na zwiñwe.

MAANEA A U TATA KHANI

- Muñwali u tata o ima na, kana a tshi hanedza tshithu.
- Muñwali u ñwala a tshi tikedza vhuimo kana kuvhonele kwawe a sa shanduki, o dzhia sia lithihi.
- Muñwali a nga imelela likumedzwa lo newaho kana a li hanedza.

- Muñwali u fanela u shumisa luambo lu nyanyulaho. Muñwali u tikedza vhukuma fhungo line a khou toda li tshi tendiwa.
- Muñwali u sumbedza vhukhwine ha fhungo line a khou li imelela.
- Magumo a tea u sumba sia le muñwali a imela lone na tshiitisi.

MAANEA A U VHUISA MUHUMBULO

- Muñwali u vhuisa mihumbulo nga zwo bvelelaho murahu kana nga zwine zwa kha di do bvelela.
- Muñwali u vhekanya mihumbulo nga ndila ine ya kunga kana u tutula dzangalelo la muvhali.
- Muñwali u tea u vhekanya mafhungo nga ndila i pfalaho.
- Muñwali u nekedza kuvhonele, mihumbulo, thalukanyo na vhudipfi nga ha thoho ine a khou n'wala ngayo.
- Muñwali u fanela u shumisa mihumbulo ine a pfa e na vhukwamani nayo, nahone ine ya mu kwama, nga vhuronwane.
- Muñwali ha tei u nea magumo a re khagala.

MAANEA A DISKHESIVI

- Afha muñwali u tata u lingana nga mihumbulo mivhili yo nekedzwaho.
- Muñwali u n'wala a tshi sedzulusa masia othe a u tatisana.
- Muñwali a nga di sumbedza vhudipfi hawe nga ha masia othe.
- Muñwali u tea u shumisa luambo lu nyanyulaho.
- Muñwali u sumbedza vhuḍi na vhuḍhi nga masia othe o nekedzwaho kha thoho.
- Muñwali a nga di gomedza nga u dzhia sia a tshi imelela kana u tikedza lone.

TSENGULUSO YA ZWIFANYISO

- Muñwali u tea u n'wala hu na vhutumekani hu re khagala vhukati ha maanea na tshifanyiso tshe a nanga tshone.
- Muñwali u fanela u sumbedza u nyanyuwa, u vhangulea ha zwipfi na kuvhonele kwawe.
- Muñwali u disendeka kha tshifanyiso tshe a dinangela tshone.
- Muñwali u tea u disikela thoho nga tshifanyiso tshe a nanga.
- Afha hu nga da mihumbulo minzhi yo fhambanaho nga ha tshifanyiso tshe a nanga.

THANGANYELO YA KHETHEKANYO YA A: 50

KHETHEKANYO YA B: ZWIBVELEDZWA ZWA VHUDAVHIDZANI**MBUDZISO YA 2****2.1 VHURIFHI HA TSHISHAKA (INIFOMALA)**

Tshivhumbeo:

- Diresi nthihi ya muñwali
- Theshano.
- Mvulatswinga.
- Mutumbu.
- Magumo.

2.2 VHURIFHI HA TSHIOFISI

Tshivhumbeo:

- Diresi mbili (ya muñwali na ya muñwalelwa).
- Diresi ya u thoma (i tea u ñwalwa datumu nga vhudalo).
- Diresi ya vhuvhili (i thoma nga mufari wa tshiimo sa 'Muñwaleli' kana 'Mulanguli').
- Theshano.
- Thoho ya mafhungo (i tea u ñwalwa nga madanzi kana ya talelwa arali yo ñwalwa nga maledere matuku).
- Mutumbu.
- Nyonesano kana phendelo.
- Magumo (muñwali u ñwala dzina na tshifani a fhedza a saina).

2.3 NGANEAVHUTSHILO YA MUFU

Thodea:

- Madzina a mufu
- Mabebo na vhabebi vhawe.
- Zwa pfunzo dzawe
- Mushumo
- Zwa mveledziso kha lushaka (tshitshavha)
- Tshivhangi tsha lufu
- Vhe a vha sia
- Mulaedza mupufuhi/tshikhodo.

2.4 MUVHIGO WA FOMALA

Tshivhumbeo:

- Thoho.
- Marangaphanda.
- Matshimbidzele kana kuitele.
- Mawanwa.
- Themendelo.
- Phendelo.
- Tsaino.
- Tshiimo
- Duvha

2.5 INTHAVIYU

Tshivhumbeo:

- Thoho.
- Madzina a vhaambi.
- Mihumbulo yo ambiwaho.
- Magumo.

2.6 MUFHINDULANO

Tshivhumbeo:

- Thoho.
- Marangaphanda.
- Mutumbu.
- Magumo.

THANGANYELO YA KHETHEKANYO YA B: 50
MARAGAGUTE: 100